

四庫全書

史部

欽定四庫全書

欽定外藩蒙古回部王公表傳卷之五十

傳第三十四

扎薩克固山貝子錫布推哈坦已圖魯列傳

今襲一等

台吉

錫布推哈坦已圖魯喀爾喀部人姓博爾濟吉特
土謝圖汗察琿多爾濟從弟祖錫布固泰號鄂爾
齋圖琿台吉鄂齊賴賽因汗阿巴岱之長子也妻

車臣哈屯生子二長穆車號烏巴什琿台吉即錫
布推哈坦已圖魯父次鄂爾果岱諾木齊生達什
號琿台吉子車稜扎布授扎薩克台吉別有傳初
錫布推哈坦已圖魯與弟青多爾濟納木扎勒陀
音諾爾布額爾克等駐牧已顏烏蘭常擊走俄羅
斯掠境兵康熙二十七年噶爾丹由杭愛山肆掠
錫布推哈坦已圖魯逆擊之有和託輝特二台吉
誓同拒噶爾丹既而背盟錫布推哈坦已圖魯拘

之會噶爾丹遣人誘降錫布推哈坦巴圖魯怒執其使避走克魯倫河三十年侍郎瓦岱奉

命赴圖拉河偵噶爾丹路由克魯倫錫布推哈坦巴圖魯率諸弟迎會瓦岱來歸

上嘉之

諭曰爾錫布推哈坦巴圖魯於土謝圖汗察琿多爾濟為兄弟行職貢有年當噶爾丹誘爾降時獨知大義雖敗不降今隨大軍慕化歸誠朕甚嘉悅特封爾為扎薩克

輔國公爾其勗之是年仍歸已顏烏蘭游牧尋從圖拉

河

上以其地為噶爾丹往來所必經

諭嚴防禦三十四年八月噶爾丹貽書納木扎勒陀音誘

往會納木扎勒陀音拒之隨錫布推哈坦已圖魯

走陰山北

詔亟徙歸化城界所屬戀故土弗肯徙噶爾丹猝至復被

掠十月納木扎勒陀音自縛請罪

詔宥之尋徙色楞額河三十五年

上親征噶爾丹至克魯倫察噶爾丹必遁

敕錫布推哈坦巴圖魯躡擊之三十八年叙追擒巴爾呼

逃衆功晉固山貝子四十三年卒子二長巴海封

扎薩克輔國公別有傳次車布登降襲鎮國公

一次襲車布登錫布推哈坦巴圖魯次子康熙四

十五年襲扎薩克鎮國公五十六年隨大軍由阿

爾台擒斬特楞古特賊衆雍正元年以居察哈爾

之厄魯特降人羅卜藏錫喇布等叛逃偕同部輔
國公車木楚克納木扎勒追緝之射斃賊衆阿玉
什額博壘等叙功以其父原爵貝子

詔晉多羅貝勒九年大軍剿噶爾丹策凌車布登奏敗賊
於蘇克阿勒達呼

賜阿克敦巴圖魯號并

賜三眼孔雀翎及黃帶十年額爾德尼昭之役復以追敗

賊衆

聞晉封多羅郡王十一年追議其剿賊不力偕同部親王

丹津多爾濟飾奏冒功罪

諭曰車布登初襲公爵因追剿羅卜藏錫喇布著有勞績
恩擢貝勒嗣與丹津多爾濟飾奏蘇克阿勒達呼及額
爾德尼昭擊賊功妄邀封賞今實情畢露知其率一千
兵遇賊百餘輒畏懼不前虛張聲勢令賊遠遁及偕副
都統塔爾岱率兵追賊詎令迷路縱賊遠颺並無為國
効力實心著削郡王爵及賜號撤還黃帶降授貝勒飭

赴科布多軍營効力贖罪倘仍舊退縮瞻顧定從重治
罪乾隆元年

命署所部副將軍駐防烏里雅蘇台定例駐防副將軍
及期而代是年冬車布登不候代擅歸游牧為額
駙策凌所劾

敕責其罪六年叅贊大臣都統塔爾瑪善奉

命赴烏克圖爾濟爾哈朗閱防秋兵以車布登旗軍容
整獎賚之十九年三月以收撫烏梁海

諭偕同部郡王桑齋多爾濟等赴鄂爾海喀喇烏蘇駐
防尋偕叅贊大臣安崇阿德寧等移駐庫克嶺七
月新降杜爾伯特台吉車凌蒙古子巴朗攜衆由
庫克嶺叛逃車布登以追捕弗及奏

諭曰車布登與安崇阿德寧同駐庫克嶺專為防範逃
衆乃已朗從此脫逃伊等率兵尾追並不奮勇前進
即行退歸安崇阿德寧二人著即正典刑車布登削
貝勒爵降授貝子仍留軍營効力贖罪二十年定北

將軍班第由北路進剿達瓦齊於伊犁道出阿爾
台以烏梁海衆潛附準噶爾遣車布登沿途剿捕
至固爾班龜塔克及烏蘭布拉克喀喇哈已地遇
烏梁海副都統察達克屬得木齊綽罕宰桑圖布
慎屬得木齊喀喇曼濟等衆盡降之並獲巴朗從
賊二百餘戶伊犁平師旋車布登偕副都統敦多
卜率兵三百由薩噶勒巴什嶺往收汗烏梁海汗
即烏梁海所居地也宰桑郭爾卓輝鄂木布及布

魯古特宰桑根都什特楞古特宰桑瓜齊楞皆率
衆降會阿睦爾撒納叛賊黨克什木等擾伊犁車
布登齋

敕往

諭準噶爾衆叙功

詔復多羅貝勒二十一年和託輝特逆賊青衮咱卜叛車
布登將以兵會叅贊大臣塔爾瑪善赴烏蘭嶺追
剿阿睦爾撒納未至遽由納林喀喇歸牧塔爾瑪

善以

聞

諭曰車布登係喀爾喀舊人受恩最為深重今乃擅棄
職守私行逃歸情甚可惡著擒解來京治罪是年冬
定邊左副將軍親王成袞扎布以車布登擅歸游
牧復詭病不從剽青袞咱卜請削爵論死

詔削貝勒宥死子齊旺多爾濟降襲輔國公

二次襲齊旺多爾濟車布登長子乾隆十六年

命乾清門行走

賜孔雀翎及黃馬褂二十一年襲扎薩克輔國公二十

三年二月所屬歉收

賑之八月車布登來朝

諭曰原封貝勒車布登係附和逆賊青衮咱卜之人原
應按例治罪朕因其平日為人愚昧又年老可矜從
寬祇令削爵仍許其子承襲輔國公伊悔罪感恩抒
誠入覲念前此曾經宣力積有勤勞著加恩賜公品

級遣歸游牧二十四年齊旺多爾濟擒自喀喇木蘭
叛逃之厄魯特丹巴等

諭獎之

賜雙眼孔雀翎三十年卒仍令其父車布登襲

三次襲車布登乾隆三十年仍襲扎薩克輔國公

三十五年卒孫齊素龍多爾濟降襲扎薩克一等

台吉

四次襲齊素龍多爾濟車布登次子台吉齊旺之

子乾隆三十五年襲扎薩克一等台吉四十一年
扈

駕木蘭行圍

賜孔雀翎四十六年

詔世襲罔替

扎薩克輔國公車稜巴勒列傳

車稜巴勒喀爾喀部人姓博爾濟吉特土謝圖汗
察琿多爾濟第四子初授一等台吉康熙三十年

隨父來朝

賜冠帶銀幣五十年

駕幸避暑山莊車稜巴勒來朝

上追念其父察琿多爾濟來歸之誠又以車稜巴勒年老

猶為台吉

詔封扎薩克輔國公析其從子扎薩克台吉班珠爾多爾濟五佐領隸之五十四年偕子巴木丕勒多爾濟隨大軍駐防扎布堪五十六年移駐哲爾格西喇

呼魯蘇五十八年隨右衛將軍費揚古籌築扎克
拜達哩克城六十一年

命率兵由汗阿林移厄魯特降人羅卜藏錫喇布游牧於
察哈爾雍正六年卒子已木丕勒多爾濟襲

一次襲已木丕勒多爾濟車稜已勒長子康熙五
十六年隨額駙已林郡王烏爾袞由阿爾台進剿
準噶爾於赫色勒已斯諾爾雍正七年襲扎薩克

輔國公

命督所部備用軍駝八年由額爾德尼昭運屯田穀實於
塔本托羅海尋以築科布多城解所用鐵九年隨
同部親王丹津多爾濟等剿準噶爾賊酋大策凌
敦多卜於蘇克阿勒達呼十年復隨額駙策凌敗
小策凌敦多卜於額爾德尼昭乾隆十二年卒子
車登三丕勒襲

二次襲車登三丕勒巴木丕勒多爾濟次子乾隆
十三年襲扎薩克輔國公十九年二月隨叅贊大

臣薩拉爾擒擅入汎界之烏梁海人博羅特瑚圖克等

諭嘉之二十年四月

命隨定北將軍班第由北路剿達瓦齊六月偵烏什阿奇木伯克霍集斯擒獻達瓦齊偕副都統額爾登額以兵五百由穆色爾嶺往取械達瓦齊詣軍七月班師率喀爾喀五百扎哈沁三百索倫二百兵還二十一年隨定邊左副將軍哈達哈進兵哈薩

克路遇固爾班和卓等攜千餘戶遁烏梁海車登
三丕勒追擒有功

賜孔雀翎二十二年駐防翁固爾諾爾有台吉達瑪琳
者其族也附和託輝特逆賊青衮咱卜叛副將軍
親王桑齋多爾濟奉

詔往擒未至達瑪琳遁車登三丕勒偕協理台吉占楚
卜由翁固爾諾爾馳追縛以獻

獎賚幣二十八年赴恰克圖駐防四十一年卒子拉素

龍多爾濟襲

三次襲拉素龍多爾濟車登三丕勒長子乾隆三十七年扈

駕木蘭行圍

駕孔雀翎四十七年襲扎薩克輔國公四十三年督理烏里雅蘇台軍營學舍四十六年理藩院議拉素龍多爾濟所襲輔國公係

恩封出缺時請降襲

諭曰拉素龍多爾濟之曾祖車稜巴勒蒙

聖祖仁皇帝格外鴻慈特封公爵承襲有年朕於車稜巴勒子巴木丕勒多爾濟出缺時不忍削去是以仍令其子車登三丕勒及孫拉素龍多爾濟相繼承襲今若照議降襲朕心殊為不忍著加恩世襲罔替

扎薩克輔國公巴海列傳

巴海喀爾喀部人姓博爾濟吉特貝子錫布推哈坦巴圖魯長子康熙四十五年弟車布登襲鎮國

公爵巴海協理旗務五十九年偕車布登隨振武將軍傅爾丹由布拉罕襲擊策妄阿喇布坦雍正九年隨大軍剿噶爾丹策凌偵賊酋大策凌敦多卜擁兵據蘇克阿勒達呼額駙親王策凌等列陣鄂登楚勒謀誘擊之巴海以兵六百夜入賊營擒三人還賊將貢楚克扎布喀喇巴圖魯以騎三千來追近大軍伏發敗之

詔嘉其功授扎薩克一等台吉十年復隨策凌等擊小策

凌敷多卜於額爾德尼昭斬馘甚衆

諭曰巴海曾由協理台吉効力阿爾台軍營去歲蘇克阿勒達呼之捷勞績懋著朕擢授扎薩克台吉今復於額爾德尼昭奮勇剿賊深可嘉尚著加恩封輔國公乾隆八年卒子貢楚克扎布襲

一次襲貢楚克扎布巴海長子乾隆八年襲扎薩克輔國公二十八年卒子貢楚克達什襲

二次襲貢楚克達什貢楚克扎布長子乾隆二十

八年襲扎薩克輔國公四十六年

詔世襲罔替

貝子品級扎薩克輔國公三達克多爾濟列傳

今停

襲貝子
品級

三達克多爾濟喀爾喀部人姓博爾濟吉特親王
丹津多爾濟第三子初授一等台吉乾隆元年

命乾清門行走尋因其父丹津多爾濟卒兄貝子多爾
濟色布騰之子桑齋多爾濟幼襲郡王爵

召居京師以三達克多爾濟代理旗務

賜公品級十八年

詔封輔國公

賜孔雀翎十九年偕同部輔國公車登三丕勒等請効
力軍營

許之二十年大軍剿達瓦齊於伊犁三達克多爾濟督
解駝馬叙功晉貝子品級二十一年隨定邊左副
將軍哈達哈進兵哈薩克索叛賊阿睦爾撒納師

旋偕車臣汗部親王巴雅爾什第等剿和託輝特
逆賊青衮咱卜尋

遣歸游牧二十三年桑齋多爾濟請析屬隸三達克多
爾濟別為一旗從之

詔授扎薩克

賜雙眼孔雀翎二十九年卒子車稜多爾濟襲輔國公
一次襲車稜多爾濟三達克多爾濟長子乾隆二
十八年扈

駕木蘭行圍

賜孔雀翎二十九年襲扎薩克輔國公三十九年

賜黃馬褂四十六年理藩院議車稜多爾濟所襲輔國

公係

恩封出缺時請降襲

諭曰輔國公車稜多爾濟之父三達克多爾濟朕因其

為親王丹津多爾濟子封授公爵復因効力軍營送

馬無悞晉貝子品級車稜多爾濟襲爵時已削去貝

子品級今若復令降襲朕心殊為不忍即云世襲罔替於例不符此亦惟視車稜多爾濟効力如何若於烏里雅蘇台值班等事奮勉出力毫無貽悞仍許承襲公爵俟出缺時奏聞請旨

欽定外藩蒙古回部王公表傳卷之五十

欽定四庫全書

欽定外藩蒙古回部王公表傳卷之五十一

傳第三十五

扎薩克一等台吉禮塔爾列傳

今襲固山貝子

禮塔爾喀爾喀部人姓博爾濟吉特土謝圖汗察
琿多爾濟族子曾祖喇瑚里子五長本塔爾次本
已什希次色爾濟次扎木素次額琳沁順治十年
本塔爾偕本已什希扎木素額琳沁來歸駐牧張

家口外見喀爾喀右翼部傳色爾濟留居杭愛號
達賴岱青子教已號額爾克阿海即禮塔爾父初
隸信順額爾克岱青諾顏善已旗康熙二十七年
率屬來歸以喀爾喀右翼親王諾內為本塔爾子
于已為兄弟行乞附牧

允之二十八年授扎薩克即

命諾內指示內地法度二十九年

詔選兵隨侍郎溫達赴圖拉河偵噶爾丹教已私縱屬千

餘劫驛騎

上憫其無知不忍治檄察哈爾兵制之三十一年

上幸多倫諾爾大封喀爾喀教已以罪不封三十二年教
已病歿禮塔爾入

覲謝罪

詔授扎薩克一等台吉

賜幣未幾禮塔爾卒子旺舒克襲

一次襲旺舒克禮塔爾長子康熙三十二年襲扎

薩克一等台吉雍正六年以病罷子達什丕勒襲
二次襲達什丕勒旺舒克次子雍正六年襲扎薩
克一等台吉八年督運科布多軍糧九年解馬赴
已里坤還隨額駙親王策凌等敗準噶爾賊衆於
蘇克阿勒達呼及額爾德尼昭尋隨大將軍平郡
王福彭駐防烏里雅蘇台乾隆六年

命乾清門行走十三年擒脫歸布拉罕之厄魯特降人
達什哈

賜孔雀銅并

賚幣十八年獻駝馬助軍十九年以新降杜爾伯特台吉車凌屬被賊劫

詔携兵百餘往護尋追擒逃賊已朗餘黨

諭曰達什丕勒護視杜爾伯特游牧甚屬妥協今一聞已朗逃遁即率兵追斬黨惡奮勇出力朕甚嘉之著封輔國公以示獎勵二十一年和碩特訥默庫叛逃達什丕勒誘擒之

詔嘉其功晉封固山貝子

賜雙眼孔雀翎復以捐駝馬助軍

賜貝勒品級是年秋和託輝特逆賊青衮咱卜叛造偽符撒汎兵達什丕勒慮所屬游牧被掠由烏里雅蘇台軍營私歸尋督兵往護臺汎副將軍親王成衮扎布以

聞

諭曰達什丕勒由扎薩克台吉經朕加恩洊擢貝勒品

級昨聞私歸游牧朕即料其不過為浮言所惑今果
知悔悟率兵接遞驛務前咎不足深責仍加恩晉封
郡王品級但驛站既係新設非加意巡察恐有遲悞
著達什丕勒會同總管達松阿等悉心辦理三十二
年奉

命赴瀚海督牧軍駝四十二年授副盟長尋卒子德沁
喇木丕勒降襲貝子

三次襲德沁喇木丕勒達什丕勒第四子乾隆三

十六年

賜孔雀翎四十三年襲扎薩克固山貝子四十六年

諭曰德沁喇木丕勒之父達什丕勒宣力戎行著有勞績朕是以加恩由扎薩克台吉洊封固山貝子著令其世襲罔替

扎薩克一等台吉巴朗列傳

今襲輔國公

己朗喀爾喀部人姓博爾濟吉特土謝圖汗察琿多爾濟從弟父喇嘛塔爾號達爾漢諾顏嘗偕其

從弟額爾克岱青貢方物順治二年

遣使頒賚會蘇尼特騰機思叛逃喀爾喀土謝圖汗衮布
車臣汗碩壘皆遣兵迎獨喇嘛塔爾與額爾克岱
青持不可且遣送前使至

上嘉悅

諭曰爾等自通好以來忱悃甚摯今復不肯舉兵助逆忠
順如此朕豈有不報之理耶嗣是朝貢不絕

賜賚便蕃康熙二十七年額爾克岱青子岱青諾顏洪果

爾偵同族偉徵諾顏阿玉什被噶爾丹掠因避居
楚克地喇嘛塔爾子已朗亦徙牧色楞額河近俄
羅斯尋携屬七百餘戶來歸

賜牧蘇尼特界內烏訥齊二十八年夏來朝以岱青諾顏
洪果爾繼至

命已朗兼領其衆秋所屬乏食

賜粟賑之三十年迎

覲多倫諾爾

詔授扎薩克一等台吉三十一年卒子旺布襲

一次襲旺布已朗長子康熙三十二年襲扎薩克
一等台吉三十五年扈

駕征噶爾丹凱旋

賜冠服弓矢五十四年捐羊助軍五十六年復獻駝馬雍

正四年以策妄阿喇布坦謀掠克木克木齊克之
烏梁海旺布隨扎薩克圖汗部副將軍貝勒博貝
率兵千駐防特斯九年大軍剿噶爾丹策凌旺布

捐助軍需尋偕同部輔國公巴木丕勒多爾濟隨
大軍敗賊於蘇克阿勒達呼十年正月叙功

優賚之八月復擊準噶爾賊於額爾德尼昭

賜孔雀翎乾隆三年

諭曰旺布效力軍營勤勞懋著且軍需駝馬屢行捐助
甚屬出力著加恩封扎薩克輔國公七年卒子蒙固
襲

二次襲蒙固旺布次子雍正十年駐防阿爾台軍

營乾隆七年襲扎薩克輔國公二十三年所屬之

食

賜銀賑之二十七年以病罷子索諾木辰伯勒襲

三次襲索諾木辰伯勒蒙固長子乾隆二十三年

隨定邊右副將軍郡王車布登扎布剿嗎哈沁賊

二十七年襲扎薩克輔國公四十五年卒子已克

已扎布襲

四次襲已克已扎布索諾木辰伯勒次子乾隆四

十五年襲扎薩克輔國公四十六年

諭曰已克已扎布所襲輔國公係其祖旺布効力軍營

晉封之爵著加恩令其世襲罔替

扎薩克一等台吉班珠爾多爾濟列傳

今襲輔國公

班珠爾多爾濟喀爾喀部人姓博爾濟吉特土謝

圖汗察琿多爾濟孫父班第達額爾德尼納木扎

勒來歸授扎薩克尋卒康熙三十年班珠爾多爾

濟迎

覲多倫諾爾

詔授一等台吉襲其父所遺扎薩克五十六年隨振武將軍傅爾丹駐防崆格扎布堪乾隆元年卒子琳丕勒多爾濟襲

一次襲琳丕勒多爾濟班珠爾多爾濟長子乾隆二年襲扎薩克一等台吉八年扈

駕木蘭行圍十七年赴塔密爾駐防十九年阿睦爾撒納來降

詔琳丕勒多爾濟隨賽因諾顏部副將軍德沁扎布移
所攜降衆於塔密爾二十年隨定北將軍班第進
剿達瓦齊於伊犁尋以阿睦爾撒納異志隨同部
親王額璘沁多爾濟由尼楚袞軍營護送入

覲至烏隆古額璘沁多爾濟遣送阿睦爾撒納歸牧治
裝從騎二十餘至察罕郭勒阿睦爾撒納麾所部
兵三百還攻琳丕勒多爾濟等被圍拔矢環射奮
勇鬪賊不敢逼奪路歸遇其後隊邀擊之獲阿睦

爾撒納所用旗纛甲冑

詔獎其勇封輔國公

賜孔雀翎并

賚白金是年冬

命赴科布多軍營二十一年調赴庫倫協理俄羅斯邊
境事二十二年從剿和託輝特逆賊青衮咱卜有
功授所部副將軍叅贊仍赴庫倫二十三年俄羅斯
斯以阿睦爾撒納竄死獻尸至界

命馳往恰克圖驗視未至卒子車布登多爾濟襲

二次襲車布登多爾濟琳丕勒多爾濟長子乾隆

二十三年襲扎薩克輔國公二十九年扈

駕木蘭行圍

賜孔雀翎三十年轄烏里雅蘇台軍營學舍四十年

賜黃馬褂四十六年

詔世襲罔替四十八年授所部副將軍叅贊

扎薩克一等台吉辰丕勒多爾濟列傳

今襲輔國公

辰丕勒多爾濟喀爾喀部人姓博爾濟吉特貝勒
西第什哩長子康熙四十五年弟丹津多爾濟襲
貝勒爵辰丕勒多爾濟協理旗務五十八年隨哲
卜尊丹巴呼圖克圖入

覲請轄所屬別為一旗

詔允其請授扎薩克一等台吉五十九年遣子協理台吉
沙克都爾扎布隨振武將軍傅爾丹由布拉罕襲
擊策妄阿喇布坦雍正五年隨額駙郡王策凌赴

恰克圖勘俄羅斯地界六年辰丕勒多爾濟以老
罷子沙克都爾扎布先卒沙克都爾扎布子二長
喇木丕勒多爾濟次三都布多爾濟相繼襲

一次襲喇木丕勒多爾濟辰丕勒多爾濟孫雍正
六年襲扎薩克一等台吉乾隆二年以病罷第三
都布多爾濟襲

二次襲三都布多爾濟喇木丕勒多爾濟弟乾隆
二年襲扎薩克一等台吉十九年隨叅贊大臣努

三等赴阿勒和碩偵烏梁海宰桑赤倫遁吹河由喀喇莽奈直抵所居降其屬四百四十五戶解送特斯偉衮安置之

獎賚幣二十年大軍進剿達瓦齊於伊犁三都布多爾濟以督辦軍需駐烏里雅蘇台聞阿睦爾撒納叛隨烏里雅蘇台大臣阿蘭泰等馳赴扎布堪擒阿睦爾撒納弔及其黨班珠爾扎木禪等時固爾班和卓等賊衆千餘戶潛通烏梁海誘同逃大軍猝

與遇分路掩擊盡誅之是役也三都布多爾濟督
兵追斬甚力定邊左副將軍哈達哈工其功

諭獎之

賜公品級尋偕副都統鄂博什等以兵六百擊哈薩克
於巴顏山斬馘甚衆師旋請協剿和託輝特逆賊
青衮咱卜會青衮咱卜就擒其子齊蘇隆多爾濟
等竄哲卜尊丹已呼圖克圖所三都布多爾濟縛
送

京師二十三年定邊右副將軍親王車布登扎布奉
命進兵哈薩克索叛賊哈薩克錫喇及布庫察罕以三
都布多爾濟數著從戎績奏請隨往

允之并加

恩賜是年夏三都布多爾濟偕侍衛庫爾圖率五十騎
為大軍導至和落霍斯偵賊據高岡夾擊之賊棄
岡遁追剿至昭達里克賊衆盡降馳疏告捷

賜孔雀翎凱旋以土爾扈特台吉舍稜勞章扎卜等叛

逃偕副都統鄂博什引兵百馳追之至伊蘭博羅
特圖喇偵竄俄羅斯乃還冬授所部副將軍叅贊
協理俄羅斯邊境事尋署副將軍以擒獲厄魯特
逃賊珠卓木等

賚幣二十四年叙功封輔國公四十五年卒子車登多
爾濟襲

三次襲車登多爾濟三都布多爾濟長子乾隆四
十五年襲扎薩克輔國公四十六年

詔世襲罔替

扎薩克一等台吉車稜列傳

車稜喀爾喀部人姓博爾濟吉特郡王固魯什喜從子父巴特瑪什號墨爾根楚琥爾子一即車稜號墨爾根岱青康熙二十七年來歸三十年迎

覲多倫諾爾授扎薩克一等台吉尋

命偕固魯什喜等選兵五百領噶爾丹并令其長子烏巴協理旗務三十六年卒子烏巴襲

一次襲烏巴車稜長子康熙三十六年襲扎薩克
一等台吉五十二年卒子卓特巴襲

二次襲卓特巴烏巴長子康熙五十二年襲扎薩
克一等台吉雍正七年以老罷子二長喇布坦次
旺布多爾濟相繼襲

三次襲喇布坦卓特巴長子雍正七年襲扎薩克
一等台吉尋卒弟旺布多爾濟襲

四次襲旺布多爾濟卓特巴次子雍正八年襲扎

薩克一等台吉乾隆二十三年以病罷子敷多布
多爾濟襲

五次襲敷多布多爾濟旺布多爾濟長子乾隆二
十三年襲扎薩克一等台吉三十九年扈

駕木蘭行圍

賜孔雀翎四十六年

詔世襲罔替四十七年卒子邁達哩扎布襲

六次襲邁達哩扎布敷多布多爾濟長子乾隆四

十七年襲扎薩克一等台吉

欽定外藩蒙古回部王公表傳卷之五十一

欽定四庫全書

欽定外藩蒙古回部王公表傳卷之五十二

傳第三十六

扎薩克一等台吉車稜扎布列傳

車稜扎布喀爾喀部人姓博爾濟吉特貝子錫布
推哈坦已圖魯從子祖鄂爾果岱諾木齊父達什
見錫布推哈坦已圖魯傳康熙二十七年噶爾丹
掠所部車稜扎布偕弟齊巴克塔爾齊旺阿玉什

及土謝圖汗察琿多爾濟從子鄂齊賴達喇呼圖
克圖袞濟扎布等避居俄羅斯境三十二年集屬
六百自俄羅斯來歸聞錫布推哈坦巴圖魯駐牧
巴顏烏蘭乞往附

允之三十二年

上念其父達什為哈爾哈舊扎薩克

詔授車稜扎布一等台吉仍兼扎薩克三十四年移牧俄

儂界三十五年四月

上親征噶爾丹車稜扎布迎

覲行幄獻所擒厄魯特賊二請從征

諭曰爾等連歲播遷勞頓已極今達哩剏愛為我軍牧馬地可攜爾屬衆赴彼安居即為督理牧務不必隨征車

稜扎布復請遣兄子台吉多爾濟扎勒等代往

許之六月大軍敗噶爾丹於昭莫多以和託輝特貝勒根敦追擊噶爾丹未歸

詔偕學士拉錫以兵六百往迎八月還駐汗阿林十月

駕幸歸化城車稜扎布來朝

上念其與扎薩克台吉阿哩雅飭屬執訊有功

諭獎之五十七年卒子齊巴克扎布襲

一次襲齊巴克扎布車稜扎布長子康熙五十七
年襲扎薩克一等台吉雍正九年隨額駙親王策
凌等敗準噶爾賊衆於蘇克阿勒達呼

賚銀幣乾隆十九年收烏梁海部衆

詔設汛防竄逸二十年大軍進剿達瓦齊於伊犁齊巴

克扎布率兵三百駐防奇爾吉斯諾爾以烏梁海
逸賊戕守汎侍衛貝多爾偕扎薩克圖汗部台吉
根敦往捕至察罕烏蘇遇和託輝特貝勒青衮咱
卜自伊犁歸與合兵赴巴斯庫斯收撫烏梁海宰
桑瑪濟岱納木扎勒保衮莽噶拉克等降其衆二
十一年

賜公品級尋青衮咱卜叛衆扎薩克為所煽多棄汎歸
牧聞

上宣諭愷切皆感悔赴軍營聽調齊巴克扎布不至為
定邊左副將軍親王成衮扎布所劾

詔削公品級二十七年以病罷子額琳沁多爾濟襲

二次襲額琳沁多爾濟齊巴克扎布長子乾隆二
十七年襲扎薩克一等台吉尋扈

駕木蘭行圍

賜孔雀翎四十六年

詔世襲罔替

扎薩克一等台吉青多爾濟列傳

青多爾濟喀爾喀部人姓博爾濟吉特貝子錫布
推哈坦巴圖魯弟康熙三十年來歸三十五年

上親征噶爾丹青多爾濟從征有功

詔授扎薩克一等台吉析錫布推哈坦巴圖魯屬別為一
旗令轄之三十九年卒子恭格襲

一次襲恭格青多爾濟長子康熙三十九年襲扎
薩克一等台吉雍正四年以病罷子旺扎勒襲

二次襲旺扎勒恭格長子雍正四年襲扎薩克一等台吉乾隆十五年卒子固魯扎布襲

三次襲固魯扎布旺扎勒長子乾隆十五年襲扎薩克一等台吉四十一年以病罷子齊巴克扎布襲

四次襲齊巴克扎布固魯扎布長子乾隆四十一年襲扎薩克一等台吉四十六年

詔世襲罔替

扎薩克一等台吉開木楚克列傳

開木楚克喀爾喀部人姓博爾濟吉特郡王固魯
什喜從子父阿爾占號墨爾根岱青子一即開木
楚克康熙二十七年率弟奇塔特達什納木扎勒
車旺朋楚克車稜等來歸二十九年以固魯什喜
助納木扎勒爭已產偕奇塔特訟于

朝并許固魯什喜奪所屬十三戶三十年

遣官往鞠先是開木楚克繼母羅里丹已哈屯生女一名

濟特阿爾占卒時遺命與開木楚克同居納木扎勒利其產謬言父令歸已以告固魯什喜固魯什喜信之遣屬烏已什等取濟特人畜盡與納木扎勒且奪開木楚克及奇塔特產至是鞫得實

詔察歸開木楚克人戶姑免固魯什喜罪三十五年開木楚克從大軍征噶爾丹遣部卒守汎鑿井并擒降噶爾丹屬台吉車稜等百餘人

諭獎之三十六年

上念其與固魯什喜失睦不宜同牧

詔編所屬別為一旗授扎薩克一等台吉四十二年卒子

納木扎勒襲

一次襲納木扎勒開木楚克長子與前爭產之納
木扎勒同名康熙四十三年襲扎薩克一等台吉
五十四年卒子車稜旺舒克襲

二次襲車稜旺舒克納木扎勒長子康熙五十四
年襲扎薩克一等台吉乾隆二十一年卒子達瑪

琳扎布襲

三次襲達瑪琳扎布車稜旺舒克長子乾隆二十一年襲扎薩克一等台吉二十九年扈

駕木蘭行圍

賜孔雀翎三十六年卒子烏爾津扎布襲

四次襲烏爾津扎布達瑪琳扎布長子乾隆三十四年襲扎薩克一等台吉四十六年

詔世襲罔替

扎薩克一等台吉成衮扎布列傳

成衮扎布喀爾喀部人姓博爾濟吉特郡王固魯
什喜次子初授協理台吉隸兄郡王多爾濟阿喇
布坦旗康熙五十六年大軍由阿爾台進剿策妄
阿喇布坦成衮扎布捐馬助軍五十八年其母請
析多爾濟阿喇布坦人戶別為一旗令成衮扎布
轄之

詔允其請授扎薩克一等台吉雍正九年大軍剿噶爾丹

策凌成衮扎布隨大將軍傅爾丹駐科布多託故
私歸順承親王錫保檄赴察罕度爾軍復不至奏
請削職

命來京候旨十年遵

諭至

上以其庸懦

詔削職子二長車布登次車登相繼襲

一次襲車布登成衮扎布長子雍正十年襲扎薩

克一等台吉乾隆三十一年以私易所解達哩剏
愛馬為同部親王桑齋多爾濟所劾

詔削職其子不得襲以弟車登襲

二次襲車登成衮扎布次子乾隆三十一年襲扎
薩克一等台吉三十五年卒子貢楚克襲

三次襲貢楚克車登次子乾隆三十五年襲扎薩
克一等台吉四十六年

詔世襲罔替

扎薩克一等台吉朋素克喇布坦列傳

朋素克喇布坦喀爾喀部人姓博爾濟吉特郡王
車木楚克納木扎勒弟初授協理台吉隸車木楚
克納木扎勒旗康熙五十四年隨右衛將軍費揚
固赴扎布堪防禦策妄阿喇布坦尋偕侍衛尼斯
崑至烏蘭固木伊圖克溫都爾防汎五十五年分
兵駐額德爾五十六年隨和託輝特輔國公博貝
擒厄魯特宰桑羅卜藏錫喇布等降其衆五十八

年捐羊十萬納已里坤軍

獎賚之五十九年隨征西將軍祁里德由布嚕勒進剿厄魯特於鏗額爾河偵宰桑色布騰等率賊二千餘據山守大軍分擊之色布騰降師旋復率兵百赴察罕呼濟爾招降厄魯特餘衆雍正八年

上以朋素克喇布坦材超衆且諳蒙古務

詔析其兄車木楚克納木扎勒二佐領令轄之別為一旗授扎薩克一等台吉十年噶爾丹策凌遣大策凌

敦多卜等掠喀爾喀牧至額爾德尼昭朋素克喇
布坦方督所部廟工聞之亟引兵會大軍往剿俘
斬甚衆復以車木楚克納木扎勒為厄魯特貝勒
色布騰旺布叛屬所戕率子喇木丕勒多爾濟馳
追之斬賊首盡降其衆十一年解送科布多軍駝
乾隆六年叅贊大臣都統塔爾瑪善奉

命赴烏克圖爾濟爾哈朗閱防秋兵以朋素克喇布坦
旗軍容整獎賚之十一年卒子喇木丕勒多爾濟

襲

一次襲喇木丕勒多爾濟朋素克喇布坦長子乾隆十二年襲扎薩克一等台吉十六年卒子衮楚克車璘襲

二次襲衮楚克車璘喇木丕勒多爾濟次子乾隆十七年襲扎薩克一等台吉二十七年扈

駕木蘭行圍

賜孔雀翎三十二年

賜黃馬褂四十六年

詔世襲罔替四十八年卒子達瑪第扎布襲

三次襲達瑪第扎布袞楚克車璘長子乾隆四十
八年襲扎薩克一等台吉

扎薩克一等台吉遜篤布列傳

遜篤布喀爾喀部人姓博爾濟吉特郡王固魯什
喜從子父達什號額爾克岱青子一即遜篤布初
授協理台吉隸從子郡王敏珠爾多爾濟旗雍正

十年額駙策凌等敗準噶爾於額爾德尼昭賊沿
鄂爾坤上流竄推河遜篤布以兵千掩擊偵走西
爾哈昭隨叅贊大臣馬蘭泰馳追斬獲無算策凌
上其功

詔嘉之授扎薩克一等台吉並

賚銀五百十一年

賜孔雀翎乾隆二十年駐防烏里雅蘇台領阿睦爾撒納
叛逃偕烏里雅蘇台大臣阿蘭泰等馳赴賊牧收

其孥屬二十一年和託輝特逆賊青衮咱卜叛造
偽符撒汎兵遜篤布與車臣汗部扎薩克台吉成
衮扎布察其詐督兵嚴守各汎誓死拒事


聞

諭曰喀爾喀王公等為青衮扎布所煽多擅離職守遜
篤布等特一扎薩克台吉耳獨明大義不肯附逆誓
死効力朕甚嘉之著賜公品級以示獎勵二十二年
因私赴烏梁海購馬議削公品級

詔其子三篤克多爾濟仍襲扎薩克一等台吉

一次襲三篤克多爾濟遜篤布長子乾隆二十三年襲扎薩克一等台吉四十六年

詔世襲罔替



欽定外藩蒙古回部王公表傳卷之五十二

欽定四庫全書

史部

欽定外藩蒙古回部王公表傳卷

五十三至
六十

主事臣陳若霖覆校

總校官編修臣倉聖脉

欽定四庫全書

欽定外藩蒙古回部王公表傳卷之五十三

傳第三十七

喀爾喀車臣汗部總傳

車臣汗部稱喀爾喀東路至

京師三千五百里東界額爾德尼陀羅海西界察罕

齊老圖南界塔爾察柴達木北界溫都爾漢元太

祖十七世孫阿敏都喇勒有子謨囉貝瑪駐牧克

噶倫河生子碩壘始號車臣汗與其族土謝圖汗
索布扎薩克圖汗素巴第同時稱三汗子十一今
車臣汗部二十三扎薩克皆其裔長嘛察哩號伊
勒登土謝圖為扎薩克貝子達哩台吉旺扎勒扎
布二旗祖次察布哩號額爾德尼台吉為扎薩克
台吉吹音珠爾一旗祖次拉布哩號額爾德尼台
吉為扎薩克台吉色稜達什一旗祖次本巴號巴
圖爾達爾漢琿台吉為扎薩克鎮國公車布登一

旗祖次巴布襲父汗號為車臣汗烏默客扎薩克
郡王納木扎勒朋素克台吉韜賚羅卜藏垂扎木
素額爾德尼根敦八旗祖次綽斯嘉布號額爾德
尼琿台吉為扎薩克輔國公車稜達什台吉多爾
濟達什固魯扎布三旗祖次巴特瑪達什號達賚
琿台吉為扎薩克貝勒車布登輔國公車稜旺布
台吉車稜多岳特三旗祖次車布登號車臣濟農
次阿南達號達賚濟農次布達扎布號額爾德尼

濟農均封扎薩克貝子阿南達子貢楚克授扎薩克台吉又自為一旗初喀爾喀服屬於察哈爾天聰九年大軍平察哈爾車臣汗碩壘偕烏珠穆沁蘇尼特諸部長上書通好貢駝馬崇德元年春以其部私與明市馬

諭責之曰明朕讐也前者察哈爾林丹汗貪明歲幣沮朕伐明且欲助之朕故移師往征

天以察哈爾為非故以其國予朕今爾與明市馬是助明

也爾當以察哈爾為戒其改之冬碩壘遣偉徵喇嘛等
來朝請與明絕市

上嘉之

命察罕喇嘛往賚貂服朝珠弓刀金幣二年獻所產獸曰
獺喜三年獻馬及甲冑貂皮雕翎俄羅斯鳥鎗回
部弓箠鞍轡阿爾瑪斯斧白鼠裘唐古特元狐皮
詔歲貢九白他物毋入獻順治三年碩壘誘蘇尼特部
長騰機思叛遣子本巴等以兵三萬援大軍敗之

師旋

詔責碩壘曰蘇尼特本察哈爾屬部向化來歸爾誘之使叛朕遣兵追勦時猶誠勿加兵於爾詎意爾反稱兵抗拒以致

上蒼降譴立見敗衄倘非朕飭令班師大兵既壓爾境何難長驅直入耶今爾若知自悔欲贖前愆其速擒騰機思來獻五年騰機思乞降碩壘遣使獻駝百馬千入謝詔遣子弟來朝九年以妄爭歲貢賞

諭責勿貢十二年巴布繼其父碩壘為車臣汗遣子穆彰
墨爾根楚琥爾來朝

詔宥前罪貢九白如初是年喀爾喀左右翼設八扎薩克
命車臣汗領左翼扎薩克之一十五年

遣大臣齎服物

諭賚之康熙二十一年以所屬巴爾呼人私掠烏珠穆沁
部界議增汛兵嚴防禦會貢使至

諭曰朕聞爾屬衆與界內蒙古互相竊奪彼此效尤恐乖

生計朕已飭界內人毋許出境滋擾爾亦當約束所屬
守分安居違者即拘治之毋稍姑息二十二年

詔毋越噶爾拜瀚海游牧巴布卒子諾爾布嗣車臣汗二
十六年偕土謝圖汗察琿多爾濟表上

尊號

諭却之二十七年噶爾丹掠喀爾喀至克魯倫河時諾爾
布及長子伊勒登阿喇布坦相繼卒孫烏默客幼
台吉納木扎勒等攜之來歸從衆凡十餘萬戶

詔附牧烏珠穆沁諸部界烏默客襲汗號如故尋理藩院
奏降衆日多請授納木扎勒等為扎薩克轄之

報可

命科爾沁親王沙津等往視內地法度

諭曰朕因爾等為厄魯特所掠憐而納之今觀爾等並無
法制約束部曲恐劫奪不已離析愈多爰命增置扎薩
克分掌旗隊禁止盜賊各謀生業爾等果能遵而行之
寇盜不興禍亂不作庶副朕撫育歸降愛養羣生之至

意二十九年選所部兵赴圖拉河隨尚書阿剌尼偵禦

噶爾丹三十年

駕幸多倫諾爾會閱

詔封王貝勒貝子台吉有差各授扎薩克編所屬佐領而
以車臣汗烏默客統其衆自是始稱車臣汗部三
十一年定所部為喀爾喀東路三十四年

遣官往購駝馬三十五年

上親征噶爾丹師次克魯倫河烏默克等以兵從凱旋所

部沿途

慶獻日億萬計明年

詔歸克嚕倫河游牧五十五年

諭所部選駝六千以兵五千領之由郭多里巴勒噶遜運

軍糧赴推河六十年調兵防護烏梁海降衆於巴

顏珠爾克雍正九年選兵三千赴察罕度爾軍營

從勒噶爾丹策凌十一年復

詔以所部兵千屯游牧西界訓練防守並追緝巴爾呼逃

衆十三年撤還乾隆元年選兵赴鄂爾坤防秋六年

命叅贊大臣都統塔爾瑪善察閱防秋兵於塞勒壁口

十三年選駝五百運歸化城米赴塔密爾軍營十

七年選兵四千駐防巴顏烏蘭二十年隨大軍勦

達瓦齊于伊犁二十一年以所屬齊木齊格特人

肆竊

命叅贊大臣納穆扎爾等往緝寘之法

諭扎薩克等曰朕因爾等不善經理游牧以致盜賊肆
行特命大臣前往督緝念皆起於饑寒復令發帑賑
給貧戶以贍生業爾等游牧始皆寧謐恐爾等習於
玩愒徒知盜賊已除不復為貧者籌畫生計又或目
前尚知約束日久漸生廢弛當各統率所屬詳察貧
困之由俾謀生有策不至為非即有頑悍不悛之徒
亦當嚴加約束有犯必懲務令上下安全共享昇平
之福先是車臣汗部編佐領置十一旗後增十二旗

扎薩克二十有三盟於克魯倫巴爾河屯設正副
盟長各一副將軍叅贊各一爵二十有六車臣汗
一副輔國公一扎薩克和碩親王一由郡王晉襲
扎薩克多羅郡王一附多羅貝勒一扎薩克多羅
貝勒一扎薩克固山貝子二一由貝勒降襲扎薩
克鎮國公一扎薩克輔國公二一由貝子降襲公
品級扎薩克一等台吉一扎薩克一等台吉十三
一由貝子降襲二由輔國公降襲附鎮國公一由

貝子降襲

欽定外藩蒙古回部王公表傳卷之五十三

欽定四庫全書

欽定外藩蒙古回部王公表傳卷之五十四

傳第三十八

車臣汗烏默客列傳

烏默客喀爾喀部人姓博爾濟吉特元太祖裔格
呼森扎扎賚爾琿台吉之七世孫其高祖曰碩壘
為喀爾喀三汗之一號車臣汗又號瑪哈薩嘛諦
碩壘傳巴布巴布傳諾爾布諾爾布子六長伊勒

登阿喇布坦子烏默客及三濟扎布次朋素克次
納木扎勒均封郡王次垂扎木素次額爾德尼次
根敦均授扎薩克台吉別有傳康熙二十年伊勒
登阿喇布坦隨父諾爾布入貢二十一年

遣散秩大臣博洛特等往賚冠服佩帶弓刀器幣先是俄
羅斯部人散居雅木薩尼布楚諸地諾爾布屬巴
爾呼與接壤時以牲畜及貂互市其黠者闌入黑
龍江沿邊肆掠人因呼之為羅剎至是大軍往征

詔諾爾布飭所屬絕市二十五年同族土謝圖汗察琿多

爾濟與扎薩克圖汗成衮構釁

諭諾爾布導之修好二十六年諾爾布卒伊勒登阿喇布

坦嗣稱汗駐牧克魯倫河北巴顏烏蘭二十七年

伊勒登阿喇布坦卒

遣侍衛阿南達往賻會噶爾丹既敗土謝圖汗察琿多爾

濟兵偵伊勒登阿喇布坦子烏默客幼由圖拉踰

克魯倫謀掠巴顏烏蘭所部聞之懼欲遁烏默客

叔父納木扎勒倡內附衆始定因白烏默客母率
衆來歸阿南達以

聞

詔附牧烏珠穆沁界外阿爾圖烏珠穆沁及浩齊特蘇尼
特阿巴噶阿巴哈納爾舊為車臣汗屬部後相繼
南徙隸內扎薩克獨阿巴哈納爾諸台吉有留故
土者曰根敦額爾克阿海烏巴什伊克岱青額爾
克烏巴什凡千餘戶仍隸車臣汗至是隨烏默客

至均

賜牧界外安置之尋

命烏默客襲汗號以納木扎勒代掌旗務二十八年

諭輯所屬潰散者未幾台吉額爾克綽克圖暨巴爾呼巴

特瑪達嚕噶索諾木達嚕噶等攜屬踵至

命烏默客轄之二十九年選兵隨尚書阿喇尼偵噶爾丹

三十年

上幸多倫諾爾會閱

詔留烏默客車臣汗號

賜宴

優賚三十一年理藩院議車臣汗既留故號應仍貢九白
上憫其新附牧產未裕

詔寬其期三年尋乞由阿爾圖徙牧伯依爾

許之三十四年所部鎮國公罕篤叛遁俄羅斯烏默客遣
兵隨郎中阿必達員外郎伯什喜等由喀爾喀河
追降其衆三十五年春

諭還牧阿爾圖烏默客以牲瘠乞緩徙從之夏

上親征噶爾丹烏默客暨郡王納木扎勒貝子朋素克率
兵從且遣護衛墨濟噶爾為嚮導噶爾丹遁

詔納木扎勒等隨平北大將軍馬思喀追勦烏默客扈
駕旋

賜牧克嚕倫河北翁都爾多博其地居巴顏烏蘭東先是
噶爾丹遣使卓哩克圖貽書烏默客通好烏默客
拒之擒其使至是以獻

獎賚金帛復授墨濟噶爾雲騎尉世職

賜號達爾汗四十年

上幸塞外

駐蹕喀喇烏蘇烏默客來朝尋扈

駕幸索約勒濟山進

宴

賜衣幣四十八年卒子索臣襲

一次襲索臣烏默客長子康熙四十八年襲車臣

汗雍正六年卒子二長車布登班珠爾次達瑪璘
相繼襲

二次襲車布登班珠爾袞臣長子雍正六年襲車
臣汗

賜之印文曰根敦車臣汗以幼

命其叔祖郡王垂扎布代掌旗務十一年以闇懦削爵
詔垂扎布襲

三次襲垂扎布烏默客從弟初襲其父朋素克扎薩

克郡王爵互見彼傳雍正十一年襲車臣汗請給俸
諭曰前此喀爾喀三汗皆不給俸蓋欲伊等守蒙古舊業
不令與衆扎薩克一例是以未經頒給今垂扎布既有
此奏著給親王俸每歲加賞銀二千五百兩土謝圖扎
薩克圖二汗著行文詢問若願請給一體施行十三年
垂扎布卒

詔以原襲車臣汗車布登班珠爾之弟達瑪璘襲

四次襲達瑪璘袞臣次子初授一等台吉雍正十

三年襲車臣汗乾隆元年遵

旨議駐兵備邊請擇額爾德尼昭水草地設汛防守從之十三年授盟長

命乾清門行走尋

命御前行走

賜紫轡十六年卒子二長嘛呢巴達喇次車布登扎布相繼襲

五次襲嘛呢巴達喇達瑪璘長子乾隆十六年襲車

臣汗十八年授盟長二十一年和託輝特逆賊青衮
咱卜叛喀爾喀守汎兵多私歸游牧獨所屬台吉
達瑪璘率子塔木楚克約從衆無擅離軍汎者事

聞

諭獎之是年

命副都統濟福會緝所部劫賊至則嘛呢巴達喇疾濟
福以

聞

諭曰嘛呢巴達喇年幼不更事今既染疾無庸俟其會
緝伊同族郡王德木楚克現由軍營遣歸游牧著協
同辦理二十二年德木楚克等擒賊什第及其黨
命予嘛呢巴達喇議叙加一級二十三年來朝
命乾清門行走

賜三眼孔雀翎黃馬褂及紫轡是年偕土謝圖汗部郡
王桑齋多爾濟緝獲劫賊阿爾弼斯瑚等

賚幣二十六年有劫賊羅卜藏錫喇布者冒章嘉呼圖

克圖名沿邊肆擾嘛呢巴達喇擒送

京師

賚幣三十年來朝

命御前行走三十二年卒弟車布登扎布襲

六次襲車布登扎布達瑪璘次子乾隆三十二年

襲車臣汗來朝

命乾清門行走三十三年授盟長三十五年

賜三眼孔雀翎及黃馬褂四十年

命御前行走四十六年

諭曰車臣汗車布登扎布之曾祖烏默客來歸時仍留
汗號子孫至今承襲將及百年著加恩世襲罔替四
十八年以私用烏拉票

恩免治罪未入謝

詔削

御前行走及盟長並奪翎褂四十九年七月迎

覲避暑山莊復

欽定四庫全書

欽定外藩蒙古回部王公表傳

賜孔雀翎

命乾清門行走八月復

賜黃馬褂

附
輔國公三濟扎布列傳

三濟扎布車臣汗烏默客弟初授一等台吉康熙
四十年

上幸塞外

駐蹕喀喇烏蘇三濟扎布隨兄來朝

賜衣幣五十六年

詔獎督馳運糧功封輔國公雍正七年卒子密瓦扎布襲
一次襲密瓦扎布三濟扎布長子雍正八年襲輔
國公十二年駐防塔本和漠及委歡塔勒滿乾隆
十一年卒子格埒克襲

二次襲格埒克密瓦扎布長子乾隆十一年襲輔
國公十八年赴鄂爾坤防秋十九年解羊赴烏里
雅蘇台軍營四十三年卒子車登扎布襲

三次襲車登扎布格埒克長子乾隆四十三年襲

輔國公四十六年

詔世襲罔替

欽定外藩蒙古回部王公表傳卷之五十四

欽定四庫全書

欽定外藩蒙古回部王公表傳卷之五十五

傳第三十九

扎薩克多羅郡王納木扎勒列傳

今襲和碩親王

納木扎勒喀爾喀部人姓博爾濟吉特車臣汗烏默客叔父初號額爾德尼台吉康熙二十七年倡議偕烏默客來歸授濟農

上以烏默客幼

命納木扎勒駐牧烏珠穆沁界外布哈和賴距烏默客居
一日程兼領其衆二十八年授扎薩克二十九年
選兵隨尚書阿喇尼偵噶爾丹三十年迎

覲多倫諾爾

諭曰爾於車臣汗為叔父行當噶爾丹肆掠時爾能倡議
率衆來歸保全爾部人民復籲請視四十九旗例編立佐
領向化抒誠朕甚嘉之特封爾為多羅郡王仍兼扎薩
克其勉承朕恩勗哉毋斁尋授盟長三十四年噶爾丹

掠巴顏烏蘭

諭所部內徙游牧納木扎勒遣子旺扎勒隨郎中音扎納
赴喀喇呼濟爾傳

諭鎮國公罕篤至則罕篤叛音扎納被留旺扎勒馳還報
因偕郎中阿必達員外郎伯什喜等追降其衆三
十五年春扈

駕征噶爾丹選部校庫濟根等七人為嚮導尋奉

命偕兄朋素克等各引十餘騎赴巴爾岱哈山麓誘致之

偵噶爾丹遁隨平北大將軍馬思哈由拖諾山追
勦凱旋得

優賚授庫濟根等雲騎尉世職

賜號達爾漢三十八年來朝五十八年獻馬助軍六十年
卒子二長達瑪琳多爾濟次多爾濟扎勒相繼襲
一次襲達瑪琳多爾濟納木扎勒長子康熙六十
年襲扎薩克多羅郡王雍正十年以遲誤軍駝罪
削爵

命其弟多爾濟扎勒襲

二次襲多爾濟扎勒納木扎勒次子雍正十年襲
扎薩克多羅郡王乾隆五年卒子巴雅爾什第襲
三次襲巴雅爾什第多爾濟扎勒長子乾隆五年
襲扎薩克多羅郡王十五年授盟長二十年大軍
進勦達瓦齊於伊犁巴雅爾什第偕同部輔國公
達爾濟雅賽音諾顏部輔國公巴圖蒙克一等台
吉齊旺多爾濟等以聲援兵三千由烏蘭呼濟爾

繼進伊犁定軍還阿睦爾撒納叛包沁總管阿克
珠勒副總管台拉克和濟木呼哩等應之由索勒
畢烏拉克沁踰阿爾台掠守汛侍衛齊徹布台吉
達瑪琳等牧產烏里雅蘇台大臣阿蘭泰檄會勦
巴雅爾什第偕達爾濟雅馳赴布拉罕路擊之斬
台拉克和濟木呼哩擒阿克珠勒以所獲還齊徹
布等阿蘭泰上其功

詔嘉之封和碩親王尋赴科布多布延圖駐防二十一

年偕定邊左副將軍哈達哈由伊犁進征哈薩克
敗阿布賚汗兵並擒逆賊固爾班和卓等

賜三眼孔雀翎時大軍會勦和託輝特逆賊青衮咱卜
巴雅爾什第仍請從勦

上以其部齊木齊格特賊肆掠喀喇沁貝子瑚圖靈阿
等往捕未獲

諭速歸嚴緝二十二年偵賊什第等竄呼倫貝爾之西
墨爾根哈瑪爾偕同部郡王德木楚克等掩擒之

叙功加一級二十三年

獎賚幣四十六年卒子貢楚克扎布襲

四次襲貢楚克扎布巴雅爾什第長子乾隆四十
六年襲扎薩克和碩親王

詔世襲罔替

扎薩克多羅郡王朋素克列傳

朋素克喀爾喀部人姓博爾濟特吉車臣汗烏默
客叔父初號伊勒登台吉康熙二十七年偕烏默

客來歸授濟農

命駐牧烏珠穆沁界外布哈和賴二十八年授扎薩克三
十年迎

覲多倫諾爾

詔封固山貝子仍兼扎薩克尋徙牧呼濟爾圖布龍三十
四年噶爾丹掠巴顏烏蘭朋素克遵

諭徙牧布哈和賴其部鎮國公罕篤者不肯內徙執往
諭之郎中音扎納叛遁朋素克偕罕篤兄台吉車布登追

至呼拉濟大敗之獲其孥復迎郎中阿必達及郡
王納木扎勒軍於烏爾順河遣第三子根敦扎布
往求音扎納謀罕篤由博爾濟河走俄羅斯弗納
攜五百餘衆棲額克阿喇勒勢甚憊朋素克以噶
爾丹方於巴顏烏蘭作度冬計罕篤必往奔遣人赴
克嚕倫鄂爾扎俄儂河諸界分路偵緝而自設汛
牧地督沿邊弁兵防守三十五年請率次子恭格
三丕勒從征噶爾丹並遣護衛穆扎哈爾為大軍

嚮導

允之

賜蟒服及帳幕駝馬時根敦扎布在京

遣歸游牧朋素克扈

駕駐訥海和碩

命之射師次克魯倫

諭偕納木扎勒等各引十餘騎誘致之偵噶爾丹遁隨平

北大將軍馬思喀由拖諾山追勦西路大將軍費

揚古逆擊之昭莫多凱旋

諭曰貝子朋素克此次從征噶爾丹始終奮勉勞績懋著朕甚嘉之著晉封多羅郡王仍留伊勒登濟農號尋

賜牧烏蘭布拉克授盟長

賚冠服器幣並授穆扎哈爾雲騎尉世職

賜號達爾漢三十六年偕員外郎常祿赴噶爾達台河收

貝勒旺扎勒舊屬齊巴齊努特戶百餘安置烏爾

順河六十一年所部台吉齊璫等訟朋素克侵駝

丁賞及勒買民婦狀

遣散秩大臣巴咱爾勘得實

詔奪俸年半補賞駝丁所買婦歸其夫雍正五年以老罷

子垂扎布襲

一次襲垂扎布朋素克長子雍正五年襲扎薩克

多羅郡王

賜貂冠服十一年車臣汗車布登班珠爾以閭儒削爵

詔垂扎布襲車臣汗十三年卒仍以車布登班珠爾之弟

達瑪璘襲車臣汗而以其子德木楚克襲郡王爵
二次襲德木楚克垂扎布長子雍正十三年襲扎
薩克多羅郡王

賜貂冠服乾隆十三年署盟長二十年授所部副將軍偕
副都統納木扎勒由塔密爾徙輝特和碩特降衆於
固爾班蘇魯克防護之二十一年授叅贊大臣會
其部齊木齊格特賊肆劫

諭曰此皆由德木楚克久在軍營未獲經理部務所致

著傳諭速歸游牧嚴緝二十二年偵賊什第等竄呼
倫貝爾之西墨爾根哈瑪爾偕同部親王巴雅爾
什第等掩擒之敘功加一級二十三年

獎賚幣

賜三眼孔雀翎四十五年卒子齊旺多爾濟襲

三次襲齊旺多爾濟德木楚克長子乾隆四十五
年襲扎薩克多羅郡王四十六年

詔世襲罔替是年卒子桑齋多爾濟襲

四次襲桑齋多爾濟齊旺多爾濟長子乾隆四十
六年襲扎薩克多羅郡王

附 多羅郡王貢格三丕勒列傳

今襲多
羅貝勒

貢格三丕勒車臣汗垂扎布弟雍正十一年垂扎
布由扎薩克郡王代車布登班珠爾為車臣汗貢
格三丕勒襲所遺扎薩克郡王爵十三年垂扎布
子德木楚克襲扎薩克郡王

詔貢格三丕勒仍為郡王不兼扎薩克乾隆九年卒理藩

院議停襲

諭曰貢格三丕勒所授王爵本係額外加恩又未奮勉
効力理應照議停襲但伊素係郡王今因身故遽爾
削除朕心殊覺不忍著加恩授其子丹津為多羅貝
勒

一次襲丹津貢格三丕勒長子乾隆九年襲多羅
貝勒十九年督解駝馬至翁吉達什和碩二十一
年來朝

賜雙眼孔雀翎黃馬褂

命乾清門行走二十三年

賜紫轡二十六年由烏里雅蘇台解馬赴巴里坤四十

五年卒子車稜多爾濟襲

二次襲車稜多爾濟丹津長子乾隆四十五年襲

多羅貝勒四十六年理藩院議車稜多爾濟所襲

貝勒係

恩封出缺後請降襲

諭曰車稜多爾濟所襲貝勒雖與初封及有功襲封者
不同但此原係朕施恩封授伊父母丹津之爵丹津又
係車臣汗垂扎布弟原任郡王貢格三丕勒之子是
以出缺後仍著車稜多爾濟承襲今若照議降襲朕
心殊覺不忍著加恩世襲罔替

欽定外藩蒙古回部王公表傳卷之五十五

欽定四庫全書

欽定外藩蒙古回部王公表傳卷之五十六

傳第四十

扎薩克多羅貝勒車布登列傳

車布登喀爾喀部人姓博爾濟吉特車臣汗烏默
客族叔父祖巴特瑪達什為碩壘汗第八子有子
二長丹巴嗣父達賚琿台吉號子一即車布登次
齊旺子車稜旺布授扎薩克輔國公別有傳車布

登初號額爾克台吉駐牧克魯倫河之南烏純地
康熙二十七年隨烏默客來歸以烏純距邊近

遣歸牧二十八年授扎薩克時大軍征噶爾丹車布登捐
助弁兵乏馬者三十年四月迎

覲多倫諾爾

詔封多羅貝勒仍兼扎薩克十月來朝

優賚之先是車布登屬車稜楚琥爾偉沁布爾齊噶爾瑪
固英杜喇爾塔布囊等懼噶爾丹掠往依俄羅斯

至是攜戶千餘來歸

命仍轄之是月車布登叔父伊勒登台吉以與扎木巴喇藏布呼圖克圖交惡為所執土謝圖汗部郡王固嚕什喜勸釋之不聽伊勒登台吉及子丹津旺布皆被殺車布登訴諸

朝

遣官往鞫扎木巴喇藏布呼圖克圖懼罪遁附噶爾丹
敕擒獻抵罪三十三年車布登卒子旺扎勒襲

一次襲旺扎勒車布登長子康熙三十三年襲扎薩克多羅貝勒時所屬巴爾呼人散居興安嶺後霍勒烏勒輝糾衆肆劫旺扎勒幼母博第蘇克遣台吉川珠爾齊旺多爾濟往緝之不克具以

聞

命黑龍江將軍薩布素就近招撫之巴爾呼凡數種有稱齊巴齊努特者其塔布囊等避噶爾丹攜六百戶奔附扎薩克阿哩雅所而留五百戶棲呼倫貝爾

之烏稜地無所依

諭旺扎勒白其母收之還三十五年

上親征噶爾丹所屬為大軍嚮導凱旋

頒賚三十六年

遣官招降厄魯特餘衆取道旺扎勒所

命護入內汛雍正元年偕其從叔父扎薩克台吉車稜旺

布追擒厄魯特逃賊羅卜藏錫喇布於烏克爾布

克色叙功

詔晉封多羅郡王尋授副盟長八年以遲誤軍駝罪削爵

九年

詔復貝勒

遣偕車稜旺布赴察罕廈爾軍効力乾隆十四年卒子旺

沁扎布襲

二次襲旺沁扎布旺扎勒長子乾隆十四年襲扎

薩克多羅貝勒十九年獻馬助軍二十年春隨大

軍進勦準噶爾達瓦齊就擒軍旋旺沁扎布隨定

北將軍班第留駐伊犁阿睦爾撒納叛賊黨克什
木等擾伊犁旺沁扎布偕土謝圖汗部郡王車稜
拜都布擊賊弗克死之

賜卹子達克丹多爾濟襲

三次襲達克丹多爾濟旺沁扎布長子乾隆二十
一年襲扎薩克多羅貝勒三十年扈

駕木蘭行圍

賜雙眼孔雀翎四十六年

詔世襲罔替

扎薩克多羅貝勒布達扎布列傳

今襲罔
山貝子

布達扎布喀爾喀部人姓博爾濟吉特車臣汗烏
默客從曾祖為碩壘汗第十子初號額爾德尼台
吉隨母察罕達喇哈屯駐牧克魯倫河色諤埒客
康熙二十七年偕兄車布登阿南達來歸二十八
年授濟農及扎薩克

命附牧烏珠穆沁界外烏德翁果額埒蘇三十年四月迎

覲多倫諾爾

詔封固山貝子仍兼扎薩克冬遣台吉錫喇陀音貢楚克
穆勒濟偉沁三都克等入貢

優賚之五十年來朝

諭曰貝子布達扎布於車臣汗部為尊行年老艱履猶抒
誠入覲朕甚念之著加恩晉封多羅貝勒以昭優眷五
十一年卒子雲敦琳沁降襲扎薩克輔國公

一次襲雲敦琳沁布達扎布長子康熙五十二年

襲扎薩克輔國公五十五年卒子巴蘇襲

二次襲巴蘇雲敦琳沁長子康熙五十七年襲扎
薩克輔國公雍正六年授所部副將軍尋授副盟
長

賜雙眼孔雀翎乾隆七年赴塔密爾軍營十五年卒於軍
上念其宣力有年軫悼之

賜卹子達爾濟雅襲

三次襲達爾濟雅巴蘇長子乾隆十五年襲扎薩

克輔國公十六年扈

駕木蘭行圍

賜孔雀翎黃馬褂

命乾清門行走十七年赴塔密爾軍營二十年偕同部
郡王巴雅爾什第等從勦達瓦齊於伊犁達瓦齊
就擒軍還逆賊阿睦爾撒納叛煽包沁總管阿克
珠勒等由索勒畢烏拉克沁擾軍汎達爾濟雅等
引兵馳擊俘賊阿克珠勒

詔嘉之晉封固山貝子

命由都固稜赴索勒畢烏拉克沁駐防時包沁餘賊有
竄伏烏隆古諸界者達爾濟雅偕副都統扎爾杭
阿等以兵千餘由阿爾台烏蘭嶺分捕至額爾齊
斯庫克托輝盡擒之是年冬移駐察罕布爾哈遜
二十一年春偕叅贊大臣塔爾瑪善等諭阿爾台
勦阿睦爾撒納至布拉罕察罕托輝偵和碩特訥
默庫叛分兵屯和通鄂博哈布塔克之伯爾克蘇

伯口訥默庫就擒還屯塔密爾會烏梁海賊郭勒
卓輝博博等偽傳阿睦爾撒納與哈薩克合兵

詔偕賽因諾顏部貝勒納木扎勒齊蘇隴等由海喇蘭
伯勒齊爾往勦烏梁海之倡亂者追至庫楚克及
哈達什伯根斬獲甚衆夏迎會大軍於哈什拉克
謀哈薩克賊千餘由巴顏山遁偕土謝圖汗部台
吉三都布多爾濟等追至伊什勒郭爾及烏拉罕
布木巴掩擊之冬

賜雙眼孔雀翎隨定邊左副將軍親王成衮扎布由彰
奇斯追勦和託輝特逆賊青衮咱卜二十二年春
遣歸牧尋

諭偕副都統濟福會緝所部刼賊弼齊罕扣等於色布
蒐勒復由鄂煖郭勒擒逃賊塔瑚賚秋扈

駕木蘭行圍授副盟長二十三年偕土謝圖汗部親王
桑齋多爾濟追獲刼汎賊阿爾弼斯瑚等

獎賚幣四十五年卒子索諾木旺扎勒多爾濟襲

四次襲索諾木旺扎勒多爾濟達爾濟雅長子乾隆四十五年襲扎薩克固山貝子四十六年

諭曰貝子索諾木旺扎勒多爾濟之始祖布達扎布原封貝子洊封貝勒出缺時降襲公爵嗣因達爾濟雅効力軍營勞績懋著復授貝子且令其子索諾木旺扎勒多爾濟承襲著加恩世襲罔替

欽定外藩蒙古回部王公表傳卷之五十六